

# **Reglement for Kvam ungdomsråd vedteke 12.11.2019 HST- sak 089/19, oppdatert etter vedtak i HST 3.11.2020 og 10.12.2020.**

## **§ 1 Føremål og oppgaver**

Kvam ungdomsråd er eit rådgjevande organ i tråd med kommunelova § 5-12, 4. ledd.

Ungdomsrådet skal arbeida for å skapa best mogleg ungdomsmiljø i Kvam herad, og skal ha høve til å uttale seg i saker som gjeld ungdom før desse vert politisk handsama og vedtekne.

Ungdomsrådet kan på eige initiativ ta opp saker og fremja forslag for politiske organ i Kvam herad i saker som vedkjem born og unge.

Ungdomsrådet kan arbeida med konkrete aktivitetar og prosjekt knytt til born og unge.

## **§ 2 Samansetjing, tilråding og val av representantar**

Ungdomsrådet skal bestå av 9 ungdommar med funksjonstid på 2 år i alderen 13-20 år (Representantane skal ikkje ha fylt 19 år på valtidspunktet jf. kommunelova § 5-12, 3.ledd) og ein fast representant frå Kvam heradsstyre. Den faste representanten frå heradsstyret skal ikkje ha røysterett, men har møte- og talerett i ungdomsrådet, og vert valt for heile valperioden sin (4 år).

Kvam ungdomsråd skal vera sett saman slik:

1 representant og 1 vara tilrådd frå Strandebarm skule

2 representantar og 2 vara tilrådd frå Kvam Ungdomsskule i nummerert rekkjefølgje 1, 2

1 representant og 1 vara tilrådd frå Norheimsund friskule

1 representant og 1 vara tilrådd frå Framnes kristne vidaregåande skule

3 representantar og 2 vara tilrådd frå Kvam vidaregåande skule i nummerert rekkjefølgje 1, 2

1 representant og 1 vara tilrådd frå Ungdomsbasen

*1 representantar med 1 personleg vara valt blant dei faste heradsstyrerepresentantane på det konstituerande møtet til heradsstyret.*

Det er Kvam heradsstyre som formelt vedtar den endelege samansetjinga av ungdomsrådet, men Strandebarm skule (8.- t.o.m. 10.klassetrinnet), Kvam ungdomsskule, Norheimsund friskule (8.- t.o.m. 10.klassetrinnet), Framnes kristne vidaregåande skule, Kvam vidaregåande skule og Ungdomsbasen skal ha høve til å føreslå sine eigne representantar.

Val på kandidatar til ungdomsrådet skal organiserast som demokratiske val på skulane og Ungdomsbasen i løpet av august/ september. Kandidatane treng ikkje vera medlem av

elevrådet ved skulen dei skal representera. På skulane er det elevrådet som organiserer valet. På ungdomsbasen er det utekontakten og «Dozerane» som organiserer valet.

Det er ynskjeleg med ei geografisk fordeling, mest mogeleg lik kjønnsfordeling og at alle ungdomsmiljø i Kvam er representert. Dei kandidatane som vert føreslått frå skulane, skal vera elevar ved skulen heile «valperioden» og busett i Kvam herad.

Ungdomsrådet vel sjølv leiar og nestleiar.

### **§ 3 Møteverksemd**

Møta i ungdomsrådet er opne for tilhøyrarar. Ungdomsrådet skal i fellesskap finna fram til høvelege møtedatoar og tidspunkt opp mot dei politiske møtebolkane. Det kan arrangerast inntil 10 ordinære møter i løpet av året.

Leiar for ungdomsrådet i lag med administrativ rådgjevar, er ansvarleg for møteinnkallinga. Dersom 3 av medlemmane i rådet krev det skal det kallast inn til møte.

Det må vera minst 5 medlemmer av rådet til stades for å gjera vedtak. Det skal førast protokoll for kvart møte. Politisk sekretariat sender møteprotokoll til medlemmane i ungdomsrådet via e-post, legg protokollane tilgjengeleg på den lukka facebook-sida til ungdomsrådet eller på annan digital plattform som representantane ønskjer å bruka. I tillegg vert møteprotokollen offentleg tilgjengeleg på heimesida til Kvam herad: [www.kvam.no](http://www.kvam.no).

Ordførar og rådmann har møte- og talerett i ungdomsrådet. Ungdomsrådet kan invitera politikarar, administrasjonen eller andre til rådsmøta for å få orientering, stille spørsmål eller drøfta saker.

Representantane har sjølve ansvar for å ha kontakt med sitt ungdomsmiljø, og informera andre ungdomar om aktiviteten til ungdomsrådet.

### **§ 4 Sekretariat**

Sekretariatfunksjonen og ansvaret for Kvam ungdomsråd er lagt til politisk sekretariat v/ administrativ rådgjevar, som har ansvar for å støtta ungdomsrådet med tilrettelegging og opplæring.

### **§ 5 Vedtekter/ retningslinjer**

Ungdomsrådet skal evaluera vedtektene/retningslinjene annakvart år. 3 av rådsmedlemene kan krevja at det vert gjennomført evaluering før dette.

### **§ 6 Årsmelding**

Kvam ungdomsråd skal kvart år utarbeida ei årsmelding som skal leggjast fram for Kvam heradsstyre.

## **§ 7 Møte og talerett i Kvam formannskap og Kvam heradsstyre**

Kvam ungdomsråd har møte- og talerett i Kvam formannskap og Kvam heradsstyre sine møter i dei sakene som kjem inn under ungdomsrådet sitt arbeidsområde. Dersom ungdomsrådet ønskjer å nytta seg av møte- og taleretten skal dette avtalast med ordførar i forkant av møtet. Kvam ungdomsråd kan stilla med opp til 2 representantar. Dei representantane som representerer ungdomsrådet får sleppa til i møtet med eit førebutt innlegg med taletid på maksimum 5 minutt i starten av sakshandsaminga til den politiske saka, men før debatten startar. Representantane i Kvam ungdomsråd får ikkje delta i sjølve debatten av saka.